

Info  INPRIMAGAILUAK

Zein da onena?

Inprimagailuak aukeratzekoan kontuan hartu beharreko aldagaiak baztertu eta azaleko kontuak nagusitzen dira askotan

Xabat Zabala

Irakurle batek baino gehiagok idatzi izan diguzue inprimagailuen inguruan iritziak eskatzeko. Zein da onena? Zein da merkeena? Zein etxerako? Zein bulegorako? Lehen ere, iragan ikasturtean, inprimagailuen inguruan hainbat kontu esan izan dugu. Beraz, gaiari berri heldu diogun honetan, esaera zaharrak eta kontu berriak aipatzeko parada daukagu.

Informatika gailuak erosteko orduan, beti izaten dira hainbat salneurri eta aukera osagarriak. Horregatik, inprimagailuaz galde egiten duen edonorentzako lehen gomendioa da argi izatea zer egin nahi duen gailu horrekin. Noski, horrekin batera, ezinbestekoa da jakitea zenbateko diru inbertsioa egin nahi duen ere. Hori bai, salneurriaz ari garenean, oroitu, inprimagailuen kostua ez dela erosten denean soilik bukatzen. Gehienetan, gailuan bertan baino diru gehiago gastatzen da tinta kartutxoetan. Beraz, merke zurrean ibiliz gero, kontuan izan zein inprimagailuk gastatzen duen tinta gutxiago, zeinen kartutxoak diren merkeagoak, eta kartutxoek zenbat irauten duten. Egia da, zehaztapen hauek ez direla kalitate zehaztapenak bezain erraz aurkitzen. Izan ere, gehienetan, zein inpresio kalitate duen eta zein abiaduratan inprimatzen duen zehazten dute batik bat, eta alde batera uzten dute osagai suntsikorrek zenbat kostatuko diren. Hau behin baino gehiagotan aipatu dugu, baina, inprimagailuez ari garenean, nahitaez aipatu behar dela uste dugu. Kontu zaharrak alde batera utzita, komenigarria da inpri-



magailuen egungo joerei so egitea ere. Merkatua apur bat aztertuta aurkitzen dugun lehen ondorioa aukera aniztasuna da. Garai batean, Canon eta Lexmark etxeen gailuak Epson eta HP ahaltsuen aukera merkeago bezala ateraz baziren ere, orain, hori baino gehiago dira. Duela bi urte, gailu funtzio askotarikoak —inprimatu, eskannerretik pasatu eta fotokopiatu egiten dute— ateraz zirenean, Lexmarkek merke izatea baino aukera gehiago ematen zituela erakutsi zuen. Orduetik, Canon, Lexmark eta beste bigarren mailako merke maila guztietako produktuak ateratzeari ekin zioten, eta, merkatuan, HP eta Epsonen pare ipini ziren.

Ikusten duzuen bezala, onena zein den galdera saihestu nahian ari gara. Izan ere, ez gara ausartzen marka edo modelo onena zein den esaten. Kontuan hartu beharrekoak zeintzuk diren esan dezakegu bakarrik. Adibidez, inprimagailu batzuek dituzten aukera osagarriak arreta jartzen ez badiegu ere, batzuetan, beharrezkoa da hauek ere kontuan hartzea. Adibidez, Epson eskaner bat badaukagu eta Epson edo HP zein erosi ezin erabaki bagabiliz, Epsonen aldeko ezaugarriak aurki ditzakegu aukeretan. Kasu honetan, inprimatze zuzena —ez du pasatu ordenagailutik behar— Epsonen gailuak bermatuko digu. Edonola ere, inprimagailua bigarren mailako gailua da batzuentzat, eta bat erosteko orduan merkeena bilatzen badugu, kontu hauek guztiak alde batera utzi, eta bigarren eskuko bat erostea ere ez da aukera txarra.



galderak zalantzak galderak zalantzak galderak zalantzak galderak zalantzak galderak

Modemik ez daukan ordenagailu eramangarri bat daukat, eta PCMCIA motako modem bat erosi dut, baina ezin konfiguratu nabil. Zein izan daiteke arazoa?

 **Mikel Goikoetxea**

Ordenagailu zaharra bada, eta PCMCIA txartela berria, bateragarritasun arazo konponezin bat izan dezakezu. PCMCIA zuloak barneratu zituzten lehen eramangarri txartel hauekin informazioa trukatzeko 16 biteko komunikazioa egiten zuten. Txartel berriek 32 bi-

Info  PROZESADOREAK

Kamera digitalen salmenten gorakada

Amerikako Estatu Batuetan nabarmen handitu zen, iaz, saldutako kamera digitalen kopurua. Ohikoa denez, joera horren isla Europa alde honetan ere laster nabarituko dela iragarri dute adituek. Aurreko batean esan genuen bezala, egungo kamerek kalitate ona dute, eta salneurriak gero eta baxuagoak dira. Hala ere, gogoratu, kamera hauek, analogikoekin alderatuta, kalitate kaxkarragoa eskaintzen dutela, maila normaletan behintzat. Beraz, inork ez dezala pentsa reflex kamera baten kalitatea lortuko duenik, oso kamera garestia erosten ez badu behinik behin.

Euskarazko irudi kudeatzailea

XNView deitzen da euskaraz irudiak antolatzeiko aukera berri hau. Programa honek argazkiak ikusi, sailkatu eta modu erraz batean argazki fitxategiak arakatzeko balio du. Zehazki zein programa mota den jakiteko, askok ezagutuko duzuen ACDSEE aplikazioaren antzekoa dela esango dizuegu. Freeware motakoa da; beraz, doakoa, eta interfazarako hizkuntza pilo bat barneratzen du; haien artean, euskara. Programa txukuna da, zeregin horretarako, sinpletasuna eta txukuntasuna nahikoa baitira. Probatzeko aukera izan dugu, eta pozgarria izan da, guretzat, beste zeregin batean euskaraz aritu ahal izatea. Programa hau lortu edo informazio gehiago nahi izanez gero, www.xnview.com helbidera jo dezakezue.

Microsoft Office 2003 Beta bertsioa kaleratzear

Bill Gatesen enpresak, segur aski *Office 2003* izena hartuko duen Office paketearen bertsio berria kaleratuko du laster. Beti bezala, lehendabizi Beta bertsioa edo behin-behineko bertsioa kaleratuko dute. Hainbat iturriren arabera, bi Beta bertsio aterako dituzte oraingoan. Alegia, behin-behineko lehen eta bigarrenak aterako ostenan etorriko da Office bulegorako paketearen bertsio arrunta. Baten batek dagoeneko aipatu du ea zertarako ateratzen dituen Microsoftek behin-behineko bertsioak, behin betikoa ateratzen duenean ere ez baitu lortzen ziurtasun osoa ematen duen bertsioa ateratzetik.

Mugigarriak: Linux eta txip azkarragoak

Azkenaldian, ordenagailuetatik gairik gailuetan ere leku garrantzitsua hartzen ari da Linux. Askok ekin diote PDA gailuetan Linux ezartzeko lanari. IBM bera ere horrelako probak egiten ari da. Sake-lako telefonoetan ezartzea ez da hain arrunta, ordea. Egia esan, telefono arrutek erabiltzen duten interfazeak ez du sistema eragilearen izate osoa, baina bai azken sorraldiko PDA izaerako telefonokoek. Alde horretatik, azken egunotan, Motorolak ere adierazi du Linux sistema eragilea ezarriko duela bere azken belaunaldiko telefono batzuetan.

Zalantzarik gabe, mugigarriak eta bestelako kable gabeko komunikazioak dira egungo informatika esparru garrantzitsuenetako bi. Egoizle asko ari dira, ordenagailuetan egiten ari diren lanarekin batera, beste esparru batzuetan barneratu nahian. Hori dela eta, sake-lako telefonoen aurrerapenak ikaragarriak dira, benetan. Adibidez, Lucent etxeak adierazi du komunikazio mugigarriak hamar aldiz azkarragoak izatea lortuko duen txipa ekoizteari ekin diola. Zenbakiak zenbaki, ukaezina da sakelako telefonoak ordenagailu pertsonal txikiak bilakatzen ari direla.

teko komunikazioa egiten dute, eta, beraz, ezin da erabili 16ko aukera duenarekin. Alderantzizko kasuan, ez du zertan arazorik egon, baina, aipatu dugun modu horretan, arazo hori aurkituko dugu. Hori bai, kasu hori ordenagailua benetan zaharra denean gertatzen da. Honen guztiaren irakaspena: zerbait erosterakoan, saiatu bateragarritasunaz ahalik eta informazio gehiena lortzen.

ORDENAGAILUEI EDO INFORMATIKARI BURUZ DITUZUN ZALANTZAK ARGITU NAHI DITUZU?

Bidali galderak unimatika@egunkaria.com helbidera eta argituko dizkizugu.